

BASES SORTEO PRESENCIAL XII EDICIÓN SALDOMARÍN

1) OBXECTO

A Asociación Centro Comercial Local Estrela de Marín, levará a cabo o domingo 5 de agosto ás 20 horas, un sorteo presencial de 600 € no palco da música, ubicado na alameda “Rosalía de Castro”. Este Sorteo Presencial pretende, por unha banda dinamizar o evento e por outra premiar a fidelidade dos clientes, transmitíndolle aos consumidores un atractivo promocional que incentive o consumo nos stands participantes, ofrecendo a posibilidade de acadar un dos dous vales compra de 300 €.

2) PREMIOS

Os premios que se sortearán o domingo 5 de agosto ás 20.00 horas no Palco da Música consistirán en:

- 2 vales compra de 300 €, que se deberán gastar en calquera dos stands participantes, cun límite de 100 € en cada stand. A presente promoción farase con igualdade de oportunidades e con estricto respecto ás normas básicas da boa fe. Por elo, calquera utilización abusiva ou fraudulenta destas bases dará lugar á conseguinte exclusión do participante na promoción. A constatación de calquera destas circunstancias suporá a descalificación automática do participante. No caso de constatar as citadas irregularidades con posterioridade á aceptación do premio, ESTRELA DE MARÍN, resérvase o dereito a exercer todas as accións legais que lle asistan contra os infractores.

3) ENTREGA E ACEPTACIÓN DOS PREMIOS

Os gañadores terán que recoller os premios, no acto que se levará tan pronto como remate o sorteo e deberán vir provistos do seu documento de identidade (ou similar), para comprobar que son os titulares da papeleta extraída. No caso de non poder asistir á dita entrega, poderán delegar noutra persoa sempre e cando esta acuda co documento de identidade (ou similar) d@ gañador/a. Ningún dos premios da presente promoción poderá ser obxecto de cambio, alteración, compensación ou cesión a petición d@s gañadoras/es.

4) LIMITACIÓNS PARA PARTICIPAR

ESTRELA DE MARÍN resérvase o dereito, se concorre causa xusta e previa comunicación de xeito legal, a efectuar calquera cambio, suspender ou ampliar esta

promoción. A simple participación implica a aceptación destas Bases na súa totalidade, polo que a manifestación, no sentido da non aceptación das mesmas, implicará a exclusión do participante e, como consecuencia, ESTRELA DE MARÍN, quedará liberada do cumprimento da obriga contraída con dito participante. Así mesmo, os participantes comprométese a admitir a decisión interpretativa que ESTRELA DE MARÍN poida darlle sobre as presentes bases ou sobre calquera cuestión derivada da promoción contemplada nestas.

5) EXONERACIÓN DE RESPONSABILIDADES

ESTRELA DE MARÍN non se responsabiliza do uso que do premio realice a/o agraciada/o e non será responsable dos servizos nin produtos que terceiras empresas deban prestar con motivo do premio desta promoción. ESTRELA DE MARÍN, non se responsabiliza do incumplimento por parte dalgún dos locais participantes, da non entrega das papeletas para poder participar no sorteo. De tódolos xeitos, ESTRELA DE MARÍN esixirá aos citados locais o cumprimento da entrega das papeletas por cada 10 € de compra. ESTRELA DE MARÍN, non se responsabiliza se por calquera motivo, o stand participante non entrega a papeleta.

6) DEREITOS E DEBERES DE PARTICIPANTES E GANADORES REPERCUSIÓN FISCAL

ESTRELA DE MARÍN non se fará cargo dos impostos derivados da entrega dos premios, salvo aqueles que por lei lle correspondan satisfacer, e, no seu caso, practicará o ingreso a conta ou a retención que poida corresponderlle en virtude da lexislación aplicable. • De conformidade coa normativa do IRPF os premios desta promoción estarán suxeitos á normativa fiscal en vigor en cada momento, actualmente a Lei 35/2006, de 28 de novembro do IRPF e o Real Decreto 439/2007, de 30 de marzo polo que se aproba o Regulamento do IRPF. Neste marco legal, establécese que os premios derivados da participación en xogos, concursos, rifas, ou combinacións ao azar vencelladas á venda e promoción de bens e servizos están suxeitos ao ingreso a conta sempre e cando a base de retención ou ingreso á conta do premios sexa superior a 300 €. • ESTRELA DE MARÍN queda relevado de calquera responsabilidade relativa ás obrigas fiscais que para o agraciado puideran derivarse da obtención do premio.

7) TRATAMENTO DOS DATOS DE CARACTER PERSOAL “En cumprimento do previsto na Lei Orgánica 15/1999, do 13 de decembro, de Protección de Datos de Carácter Persoal,

informámolo que os datos persoais obtidos mediante o presente contrato, pasarán a formar parte dos ficheiros dos que ASOCIACIÓN CENTRO COMERCIAL LOCAL ESTRELA DE MARÍN é responsable, e serán tratados coa finalidade de poder dar resposta ás obrigacións derivadas do presente contrato, así como remitirle información acerca dos produtos e servizos directamente relacionados co obxecto contractual, ben sexa por correo postal, fax, correo electrónico ou calquer outro medio electrónico equivalente en virtude do previsto na Lei 34/2002, de 11 de xullo, de Servizos da Sociedade da Información e de Comercio Electrónico. ASOCIACIÓN CENTRO COMERCIAL LOCAL ESTRELA DE MARÍN Rúa Real nº 10, baixo, 36900 Marín Telf. e Fax: 986 89 11 12 XERENCIA Móvil: 690 86 89 28 info@estrelademarin.es www.estrelademarin.gal En calquer caso poderá exercer os dereitos de acceso, rectificación, cancelación e oposición previstos na lei, mediante escrito dirixido a ASOCIACIÓN CENTRO COMERCIAL LOCAL ESTRELA DE MARÍN á RÚA REAL Nº 10, BAIXO, 36900, MARÍN, PONTEVEDRA ou mediante correo electrónico a info@estrelademarin.es xunto coa identificación a través do DNI.

8) CESIÓN DE DEREITOS DE IMAXE

Os gañadores desta promoción autorizan a ESTRELA DE MARÍN a reproducir, utilizar e difundir o seu nome, apelidos e imaxe en calquera actividade publicitaria e/ou promocional que esté relacionada con esta promoción, todo elo en calquera medio e sen que ditas actividades lles confira dereito de remuneración ou beneficio algún coa excepción feita da entrega do premio gañado conforme a estas bases. A cesión inclúe todos os dereitos de reprodución, transformación, distribución e comunicación pública da grabación ou imaxes captadas, sen limitación de tempo nin territorio.

9) ACEPTACIÓN DAS BASES

A participación na presente promoción supón a aceptación integra das presentes bases e a sumisión expresa das decisións interpretativas que das mesmas efectúe ESTRELA DE MARÍN. No caso de diverxencia entre os participantes na promoción e a interpretación das presentes bases por ESTRELA DE MARÍN, serán competentes para coñecer dos litixios que poidan plantexarse os Xulgados e Tribunais de Marín, renunciando expresamente os participantes desta promoción ao seu propio fuero, de resultar distinto ao aquí pactado. En Marín a 2 de agosto de 2018